

〈高山流水—代跋《華緣綺語聲聲慢》〉

110.04.21

海山遠眺半雲間。障層嵐、阡陌春妍。

知本上庠門，邊陲化雨薪傳。

詩文出、唱演悲歡。

堪尋味，諳盡炎涼世態，綺語華緣。

寫情滋疊疊，說理采翩翩。

芊綿。迢迢水清麗，掩夕照、疊嶂凝煙。

搖曳翠條風，碧湛湛燦瑤篇。意拳拳、曲盡真天。

待他日，青管夢成藻翰，月夜吟箋。

錦囊佳句，入書卷、筆如椽。

王萬象

〈玉樓春—代跋《華緣綺語聲聲慢》〉 110.05.24

華緣綺語聲聲慢，饗舍弦歌山海遍。
夏雲花影翠生生，春雨煙霏殷緩緩。
年光堪賞金甌滿，客夢仍頻銀燭短。
清奇詞翰綠行行，雅潔賦詩晶燦燦。

王萬象



〈浣溪沙—辛丑梅月鯤島疹疫蠱起，
庠校改遠距教學已閱旬日，乃有感而發〉 110.05.28

化雨春風不見人，熒屏漠對語紛紛。
光纖路接欲誰論，線上書空頻咄咄。
雲端擊罐慢吞吞，凌虛霄漢出乾坤。

王萬象

